

夢九先生姓汪名錫齡徽州歙縣人曾官劍南觀察而宦情益淡隱心愈深遇三丰先生於峩眉得其道妙繼授滇南永北道卽請終養未准旋授河南全省河道副使乃便道歸省丹成尸解號圓通道人校正玄要篇及著三丰本傳顯跡等章傳世康熙甲辰年十月十八日申時誕生至今嘉州凌雲丹霞峯之清暉閣卽先生公餘之暇潛神煉丹處也中有靈山堂扁載劍南父老數百人姓名爲先生壽咸稱圓通祖師仁慈清淨修己治人云

白白先生者不言其姓氏所居在青城大峩嘉州山水之間鼓琴讀書酷好老莊道光初遇張三丰先生於綏山傳以交媾玄

道藏輯要

三丰全集

派攷記

七

續畢集七

牝金鼎大符之妙旣更遇純陽祖師得聞藥物採取之微以是決意精修日與二三隱士坐論煙霞品評水石名心之冷殆如冰焉所著有河洛易象圖解道德經正義圓嶠內篇發明內外丹法層次爲前古仙經所未有無事則混俗和光默抱玄微而已

列仙派演

余十舍者沈萬山弟子也少好施與萬山以幼女妻之傳以丹砂點化豐饒與婦翁相頡頏其女余蕙剛爲西平侯沐春繼室亦善黃白之術蓋家傳也事見本集中余氏父女傳

陸德原者吳人也家故清微慕神仙之學沈萬山先生見之知

爲道器遂傳以玄微妙旨並爲黃白給之其家遂定與顧阿瑛李鳴鳳相往來詩壇酒社東南士大夫稱其富而好禮洪武初嘗助軍糧二萬斛既聞太祖有不及江南富足翁之句因慨然曰禍端至矣及時攜琴披衲改裝黃冠而遯阿瑛聞之亦削髮爲僧鳴鳳棄家園攜妻子泛舟江湖其後江南大族籍沒者無算人始信其見幾云

明陽先生者劉其姓光燭其名仁慈恭敬富而好禮以善爲當爲不求福報達者高之嘗從白白子游得清淨守中之旨遂結菴於大江之湄雲水盤桓不跡城市沒後數載忽降一詩云人去空山鶴影單回觀塵海霧漫漫仙家不昧虛靈體一路清風道藏輯要

三丰全集

派攷記

六

續畢集七

到石壇自是雲朋霞友咸謂其不滅也所著有金丹詩若干篇尙存於其弟遯園處

拳技派

王漁洋先生云奉勇之技少林爲外家武當張三丰爲內家三丰之後有關中人王宗宗傳温州陳州同州同明嘉靖間人故今兩家之傳盛於浙東順治中王來咸字征南其最著者斯人也雨窻無事讀聊齋李超始末因識於後又云征南之徒又有僧耳僧尾者皆僧也